



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Theologia Moralis Universa**

**Jansen, Leonard**

**Coloniæ Agrippinæ, 1725**

Casus LXXXVIII. De Essentia, Materia, Forma, Ministro, & Effectu  
Sacramentorum in genere.

**urn:nbn:de:hbz:466:1-39911**

EX  
TRACTATU  
DE  
SACRAMENTIS.

CASUS LXXXVIII.

De Essentia, Materia, Forma, Ministro & Effectu Sacra-  
mentorum in genere.

**A**batius pro cura pastorali se  
sistens interrogatur: 1. Quid  
sit Sacramentum. 2. Quid  
de Sacrificiis Veteris Testa-  
menti; de lotione pedum, missione Spiritus  
Sancti. 3. Quot sint Sacra-  
menta & quoniam.  
4. Quae sit materia & forma.  
5. An sint de essentia; an ab eodem Mi-  
nistro applicanda. 6. An necessario co-  
existant, & quomodo. 7. An liceat ad-  
hibere materiam vel formam dubiam aut  
probabilem. 8. - 9. Quid sit mutatio  
substantialis materia, vel forma; quid  
de mutatione in voces non synonimas.  
10. Quid de transpositione, subtractione,  
additione vocum. 11. Quid de mutatio-  
ne lingue in linguam, item de interruptio-  
ne. 12. Quale peccatum sit voluntaria  
mutatio. 13. An ea mutare possit Eccles-  
ia. 14. Quis sit Minister. 15. Que  
in ipso requiratur intentio, & quid in du-  
bio, an hoc adfuerit. 16. Quid si habeat  
intentiones oppositas. 17. Quid de in-  
tentione conditionata. 18. Quid si sit  
distractus. 19. Quid si sit in statu dis-

gratia. 20. Vel in tali statu distribuat  
Eucharistiam; velexercent actus Ordinis.  
21. Quae sit obligatio Ministri tempore  
pestis. 22. Quibus uti debeat præserva-  
tivis vel causticis; quid si sepius vocetur  
ad eundem. 23. An liceat ei fugere, vagos,  
infectos negligere, vel unum alteri pre-  
ferre. 24. Quid sub incursu hostium.  
25. An liceat Sacramentum petere ab ex-  
communicato, suspenso, &c. 26. A pec-  
catore. 27. Quae dispositio requiratur in  
suscipiente. 28. Quae intentio, & an  
Baptismus necessarius ad valorem reli-  
quorum. 29. An Sacramentum dari pos-  
sit inhabili, vel metu mortis simulari.  
30. Quid de matrimonio. 31. An liceat  
ministrare Sacramenta peccatori. 32. Quot  
peccata committat consecrans in mortali.  
33. An peccet contrahens matrimonium  
cum peccatore. 34. An dari possit pecca-  
tori publico saltem metu mortis. 35. Quid  
si crimen non sit notum omnibus præsen-  
tibus, vel solum sit notum in vicinia.  
36. Quid si sit emendatus, sed non publi-  
cè, vel ac emendatione sit dubium. 37. Quid

R. D. Jansen Pars II.

A de



*de articulo mortis. 38. Quid si peccator occulte petat; quid si sciatur ex confessione. 39. Quid si publicè petat. 40. Quis sit effectus Sacramentorum & Sacramentalium? Pro Respons.*

1. QUÆRES I. *Quid sit Sacramen-tum?*

R. *Est signum sacrum, sensibile, practicum sanctitatis à Deo stabiliter institutum. Dicitur primo Signum; hoc est, dicens in cognitionem alicujus à se distincti, scilicet gratiæ, quam causat. Dicitur 2. Signum sacram, id est, ad cultum Dei institutum. Dicitur 3. Sensibile, seu sensibus externis perceptibile; si enim Sacramentum non esset signum sensibile, non esset aptum significare hominj, qui nihil percipit, nisi dependenter à sensibus, nec posset sensibiliter discernere Ecclesiam veram à profana. Dicitur 4. Practicum sanitatis, seu causativum gratiæ ex opere operato, id est, per suū usum & applicationem, non autem præcisè ex opere operantis, seu ex applicantis aut suscipientis merito. Dicitur 5. à Deo stabiliter institutum.*

*Quia sicut solus Deus vel Christus potest dare veram gratiam, sic & solius Dei est instituere signa stabilia & practica gratiæ; unde patet, Sacrificia Veteris Testamenti, esum Agni Paschalis, aspersionem sanguinis, &c. non fuisse vera Sacramenta, quia non causabant gratiam; & Circumcisio quamvis sustulerit peccatum originale per veram gratiam, quia tamen istam gratiam non causabat ex opere operato, sed in quantum erat professio fidei in Christum, ideo propriè*

non fuit Sacramentum; idem tenet de Sacramentalibus in nova Lege, de benedictione panis, vini, cereorum, de consecratione Abbatum, Virginum, lotione pedum, &c. quia non causant gratiam nisi ex merito & ope-re operantis. Item de verbis Christi ad Magdalenam: *Remittuntur tibi peccata tua.* Item de linguis igneis in Pentecoste: quia licet hæc causarent gratiam, tamen id non fecerunt ex in-stituto & stabiliter.

2. QUÆRES II. *Quid de numero & divisione Sacramentorum?*

R. I. *Sacramenta sunt septem: Baptismus, Confirmatio, Eucharistia, Pænitentia, Extrema Unctio, Ordo, Matrimonium. Est de fide ex Trid. sess. 2. c. 1. Nec dicas cum hæreticis, id nullibi haberi in Scriptura; nam & Nullibi etiam habetur, quod tantum sint tria vel quatuor, & tamen hoc credunt Adversarii; sufficiat igitur, quod ille numerus habeatur in Scripturis æquivalenter ex hoc, quod de singulis septem & non de pluribus dicant esse Sacramenta, & de iis constet per traditionem & definitionem Ecclesiæ.*

II. *Sacramenta dividuntur Primo in Iterabilia, quæ sapienter suscipi possunt, & sunt quatuor: Eucharistia, Pænitentia, Extrema Unctio, Matrimoniū; & Interabilia, seu Charactistica, quæ semel validè suscepta iterato suscipi nequeunt, eo quod imprimant characterem, id est, qualitatem indelebilem in anima suscipientis, per quam homo designatur servus, miles, vel minister Christi;*

*sunt*

## DE SACRAMENTIS IN GENERE.

3

sunt autem tria: *Baptismus, Confirmatio, Ordo*. Qui unum horum (nisi sit prudens dubium de valore) scienter iterat, peccat gravissime, & nullum effectum consequitur. Secundo, in Sacra menta vivorum & mortuorum. Vivorum dicuntur, quæ in suscipiente supponunt primam gratiam, seu vitam spiritualem animæ, & sunt quinque: *Confirmatio, Eucharistia, Extrema Unctio, Ordo, Matrimonium*; alia duo sunt mortuorum, velut *Pœnitentia & Baptismus*, quia non prærequisunt, sed ex sua institutione causant primam gratiam; per accidens tamen fieri potest, ut Sacra menta mortuorum causent secundam, & vivorum primam gratiam, ut si adulterus perfectè contritus suscipiat Baptismum, vel peccator Confirmationem cum sola attritione, quam bonâ fide judicat esse contritionem, vel eam credit sufficere. *S. Thom. 3. part. 9. 79. art. 3.* Tertiò in *Formata*, quæ in suscipiente actu causant suum effectum seu gratiam, quæ dicitur forma seu pulchritudo animæ; & *Informia*, quæ hunc effectum non causant, eò quod ex parte subjecti sit obex seu impedimentum, ut si adulterus suscipiat Baptismum vel Matrimonium sine dolore de peccatis actualibus: An autem & qualiter Sacra menta remoto obice ad causandam gratiam reviviscant, quia parum ad praxin facit, Scholasticis relinquo. *Quarto, in Sacra menta Transeun tia, & Permanentia*; hæc consistunt in actione transeunte, v.g. ablutione, unctione: illa in re permanente, ut Eucharistia, &c.

QUÆRES III. Quid de materia & forma Sacra mentorum, eorumque necessitate & similitate?

4.

*R. Seq. 1. Omnia Sacra menta perficiuntur rebus tanquam materia, & verbis tanquam formâ, & personâ Ministri conscientiis cum intentione faciendi quod facit Ecclesia.* Sunt verba *Concil. Florent.* In Matrimonio, quia habet rationem contractus, sufficiunt verba æquivalentia, id est nutus vel aliæ signa consensum significantia; in aliis Sacra mentis requiruntur verba formalia. 2. Materia alia est remota, alia proxima. Remota est illa res, quæ per actionem Sacra mentalem applicatur; Proxima est illa ipsa actio applicativa. V. g. in Baptismo materia remota est aqua, proxima est ablutio; in Confirmatione remota est Christma, proxima unctionis; in Eucharistia remota est panis & vinum, proxima Corpus & Sanguis Christi cum speciebus; in Pœnitentia materia remota sunt peccata post Baptismum commissa, proxima sunt contritio, dolor, propositum, confessio; in Extrema Unctione remota est oleum, proxima ipsa unctionis; in Ordine, remota materia sunt instrumenta, proxima traditio; in quibusdam remota sunt manus Episcopi, proxima earum impositio; in Matrimonio materia remota sunt corpora contrahentium, proxima eorum mutua traditio. 3. Materia & forma ita sunt de necessitate Sacra mentorum, ut horum uno deficiente vel substantialiter mutato deficiat Sacra mentum. *Flo rent. l.c. S. Tho. q. 60. art. 5.*

5.

A 2. 4. Ma-

4. Materia & forma debent applicari ab eodem Ministro, ideoque si unus affundat aquam aut inungat, alter pronuntiet formam, Sacramentum est nullum, quia sensus formæ est falsus; nam hoc dicens verè non abluit vel inungit. *Diana, Dicastil. de Bapt. d. 1. n. 181.*

6. 5. Materia & forma debent esse simili, ita ut spectata cujusque Sacramenti natura verba censeantur significare materiam, de eaque verificari; in consecratione Eucharistia materia & forma debent coexistere physicè, ita ut eo tempore quo forma proferatur, materia consecranda sit præsens; hanc enim ut præsentem significant & demonstrant pronomina *Hoc* & *Hic*. *Metzg. tr. 15. d. 17. a. 2. Reiffenst. Theol. tr. 14. diff. 1. n. 29.* In aliis Sacramentis probabilius sufficit coexistentia moralis, seu talis conjunctio, ut verba communi iudicio adhuc censemantur verificari de materia, et si non coexistent physicè, sed statim subsequantur vel antecedant; sicut ad veritatem hujus propositionis: *Bib, fileo, sufficit, quod immideat post vel ante prolatæ verba bibam, fileam;* quia tamen *Cajet. Suar. Scot. in 4. diff. 6. q. 3.* etiam probabiliter requirunt coexistentiam physicam materiæ & formæ, erit mortale, si forma quoad unam suæ partem physicè non coexistat materiæ, ut si verba Baptismi proferantur post finitam ablutionem, quia Sacramentum exponitur periculo nullitatis. *Excipe Sacramentum Pœnitentia, in quo absolutio sequi potest confessionem,* ita ut post

horam validè absolvatur confessus, et si non licet, nisi ex causa rationabili, ut dum apoplexiæ tactus ante unam vel plures horas petiat Confessarium. Ratio est, quod absolutio sit sententia judicialis, quam antecedere debet accusatio seu confessio. Similiter in Matrimonio unius consensus tamdiu sequi potest, quamdiu derat alterius consensus, ut patet in Matrimonio contracto per procuratorem, quia Matrimonium sequitur naturam contractus, *Tamb. lib. 1. cap. 1. §. 1. Spor. p. 1. Sacr. n. 81.* Econtra, si quis ceperit inungere infirmum, & quia inter ungendum putat esse mortuum, desistat, post horam autem videat eum vivere, reliquasunctiones addat, Sacramentum est nullum, quia hic requiritur major connexio. *La Croix L. 6. p. 1. n. 8.*

6. Adhibere formam vel materiam dubiam vel probabilem, si certa aut tior haberi possit, est mortale, quia Sacramentum sine causa exponitur periculo nullitatis, & suscipiens periculo carendi fructu. *Vid. cas. 3. n. 7.* Si Sacramentum sit necessarium velut Baptismus, Pœnitentia, & materia certa haberi non possit, sufficit probabilis & dubia, eamque adhibere in necessitate exigit charitas proximi. An verò liceat sequi opinionem probabilem, quando agitur de conditio ne ab Ecclesia supplebili, v. g. de jurisdictione absolvendi, dicam *cas. 99. n. 6. & cas. 106. n. 22.*

QUÆRES IV: Quid circa mutationem materiæ & formæ?

q. I. Si materia vel forma mutetur  
sub-

Substantialiter, non sit Sacramentum, secūs si tantū mutetur accidentaliter; Tunc autem materia dicitur mutari substantialiter, si secundū communem hominum acceptiōnē & usū nomine & ratione differat à materia à Christo instituta, quamvis fortè physiē sit eadem. Ut si in baptismo loco aquā adhibeas glaciem, nivem; in Eucharistia loco panis pisti panem crudum: quia glacies vel nix antequam resolvantur, communi usu & estimatione non veniunt nomine aquæ, neque massa cruda nomine & usū panis, etiam si specie physiū probabilit̄ non differant. Econtra vinum album & rubrum, quamvis forsan physiē differant, quia tamen communi usu & nomine convenient, utrumque est materia apta consecrationis. Materia dicitur accidentaliter mutari, si salvâ substanciali aliqualiter solum alteretur, ut si aqua in Baptismo vel vinum in consecratione repefiat.

- ¶. 11. Substantialiter forma mutatur, si forma non retineat sensum & significationem, quam Christus per verba exprimi voluit; eodem verò sensu manente, mutatio erit solum accidentalis. Est communis cum D. Tho. art. 8. Ex hac regula deduces sequentia: 1. Mutatio formæ in voces non-omniō synonimas, est substantialis. Suar. d. 2. § 4. Dicaf. d. 1. n. 179. ut si loco Patris & Filiī baptizans dicat: *In nomine Sanctissima Trinitatis: In nomine prima, secunde & tercia persona: In nomine Patris majoris, Filii minoris: In nominibus Patris & Filii: In nomine Creatoris, Redemptoris, Sanctificatoris:*
- n. 35. 3. *Mutatio per transpositionem, subtractionem vel additionem verborum* tunc est substantialis, quando non relinquit sensum à Christo institutum.
4. *Repetitio vel corruptio vocum* non semper est substantialis, maximè si fiat ex naturali balbutie vel ruditate, ut: *Ego bapt-bapt-ri-ti-zo te te te, Ec.* Vel: *Bapzo in nomine Patria, Filia & Spiritus Sancta. Cap. retulerunt dist. 4. de consecrat.* Aut si quis non valens exprimere H & R dicat: *oc est Corpus,* vel etiam *Colpus meum;* quia istæ voces à balbutiente corruptæ saltem ex secundaria institutione idem significant quod in aliis non corruptæ, March. La Crotz n. 36. Nisi corruptio

10.

A 3 sit

sit tanta, ut audientes non possint scire, quid loquens vellet significare, vel corruptio vocum fieret studio; tunc enim non censeretur habere seriam intentionem, vel putatur aliud 11. velle significare. 5. *Mutatio lingua in linguam* per se est tantum accidentalis, et si proferens eam non intelligat, nunquam tamen est licita nisi in solo Baptismo, quando Latina lingua ignoratur. 6. *Interruptio* si sit levis, non est substantialis, ut si baptizans prolatis verbis: *Ego te baptizo, interponat: Quid garuis?* *Aqua est nimis frigida*, aut aliquoties sternutet, osciter, & statim subjungat: *In nomine Patris, & Filii, &c.* quia verba sequentia adhuc moraliter unum sensum faciunt cum praecedentibus. Secus si interruptio sit notabilis ad medium vel integrum quadrantem ob rationem contrariam, ideoque tunc forma debebit repeti. *S. Thom. q.65. art.8. Tamb. l.c.*

12. 7. III. Mutare materiam vel formam substantialiter est mortale, quia Sacramentum in illis circumstantiis, quibus causare deberet effectum, voluntariè redditur nullum, quæ est gravis irreverentia in Authorem Sacramentorum: *Mutatio accidentalis* si levis sit, ad summum est veniale; ut si in Baptismo circa necessitatem utatis aquâ calidâ vel linguâ vulgari, *Dicast. n. 131.* Vel in forma Baptismi aut Pœnitentiæ omittas *tò ego*, in forma Eucharistia *tò enim*, modò absit contemptus. *Mutatio accidentalis* notabilis est mortale, ut si Latinus *consecret in pane fermentato*, aut

utatur formâ Græcâ vel linguâ vulgari, vel inungat in oleo prioris anni, vel in Baptismo omittat *tò G. Dicast. n. 117.* Vel in Baptismo omittantur præcipuæ ceremoniæ. Item quandocumque materia vel forma redditur dubia, &c. quia in his omnibus vel notabiliter agitur contra præceptam ab Ecclesia uniformitatem, vel Sacramentum per materiam dubiam exponitur periculo nullitatis.

8. IV. Nequidem Ecclesia potest 13. materias vel formas Sacramentorum formaliter mutare, potest tamen materialiter. Colligitur ex *Trid. siff. 21. c.2.* Ratio est, quia formaliter mutare est facere, ut materia & forma à Christo instituta non sit apta ad valorem Sacramentorum, ut si vinum de vite manens vinum fieret ineptum consecrati; qualem potestatem nullibi Ecclesia legitur accepisse à Christo. Materialiter mutare est facere, ut id, quod antea erat materia à Christo requisita, induat aliam naturam, & non maneat talis, qualem Christus requisiuit, ut si è vino fiat acetum, quod etiam privatus facere potest. Aut si contraetus clandestinus antea validus ex constitutione Ecclesie fiat invalidus, & per consequens materia inepta matrimonii. Item si Ecclesia faciat, ut sola manuum impositio in Ecclesia Græca habeat vim significandi potestatem Ordinis Sacerdotalis & Diaconatus, non autem apud Latinos.

QUÆRES V. Quid circa Ministrum, ejusque intentionem, attentionem & dispositionem? 14.

B. I.



**R. I.** Minister ordinarius est solus homo viator, habens intentionem faciendi id, quod facit vera Christi Ecclesia. *Trid. sess. 7. c. 11. S. Thom. q. 64. a. 7.* Intentio autem hic potest esse triplex, actualis, virtualis, habitualis. *Actualis* est actus voluntatis advertenter & perceptibiliter imperans confectionem Sacramenti. *Virtualis* est virtus ex priori actu relictæ, qua physicè est actus tenuis & imperceptibilis, vi cuius quis pergit operari ad finem per intentionem actualē imperatum, hinc intentio virtualis tamdiu censetur perseverare, quamdiu ponuntur media ad intentum finem, ut si quis post intentionem consecrandi eat ad sacristiam, se lavet, vesciat, legat Missam, quamvis toto tempore distractus, &c. hæc omnia diriguntur ab intentione virtuali. *Habitualis* est intentio præterita non retractata, nec in se, nec in virtute amplius existens, potestque esse in dormiente, ebrio, &c.

**R. II.** Non requiritur intentio actualis, et si hæc sit optima, sed sufficit virtualis, non verò habitualis. Est communis cum Scot. *in 4. disp. 6. q. 6. Suar. disp. 13. sect. 3. Metzg. d. 23. art. 5.* Ratio primæ partis est, quod sit moraliter impossibile semper habere actualē & expressam intentionem, cum nobis etiam invitis se ingerant distractiones, & obligatio semper habendi intentionem expressam exponeret homines innumeris scrupulis. Ratio secundæ partis est; Quod intentio virtualis sufficiat ad orationem, vota, contractus; ergo etiam

ad conficienda Sacraenta. Tertia pars inde probatur, quod intentio Ministri debeat imperare & influere in actionem Sacramentalē, eamque reddere humanam prudenterque positam nomine Christi, quod facere non potest intentio habitualis, cum nec in se nec in aliqua sui virtute existat, possitque esse in dormiente, phrenetico, &c. Minister tamen prudenter dubitare non potest de intentione requisita, nisi eam studiosè omiserit vel excluderit. *Aur. q. 78. n. 5.* Quia vult agere quod solet, & quod agunt similes ministri. Nec opus est corde vel ore dicere: *Intendo, volo, &c.*, hæc enim scrupulosa reflexiones magis devotionem impediunt, quam promovent, sed sufficit quod quis exercitè attendat ad id, quod facit.

**R. III.** Si in Ministro sint intentiones virtualiter oppositæ, v. g. Calvinista baptizans intendit facere quod Christus, non autem quod fieri vult Papa vel Romana Ecclesia. Item vult Matrimonium, sed non Sacramentum, tunc prævalebit ea intentio, quæ est appretiativè major, quod à posteriori colliges, si Calvinista ita sit dispositus, ut si sciret idem esse quod vult Christus & Papa, idem esse Matrimonium & Sacramentum, adhuc vellet baptizare, Matrimonium inire; prævalet intentio conficiendi Sacramentum. Secūs si ita non est dispositus. *Lugo d. 8. §. 8. Metzg. l.c.* Ex simili ratione prævalet consecratio, si Sacerdos rudit per rō *Corpus meum* intelligat suum Sacerdotis, quia prævalet intentio generalis significandi

candi, quod Christus instituit. Quod non tenet de eo, qui id malitiosè & scienter faceret, quia tunc prævaleret intentio non significandi Corpus Christi, sed suum. Si intentiones sint æquales, nullum est Sacramentum, quia neutra prævaleret; si una contrariorum existat tantum habitualiter, altera verò actu existens imperet confectionem Sacramenti, hæc prævaleret utpote efficacior, quia sola habitualis Sacramentum causare non potest. *Bernal.d.17. n.182. La Croix n. 69.*

17.

*R. IV.* Intentio non debet esse conditionata, adeò ut Sacra menta nec licet, nec validè conferri possint sub conditione de futuro suspensiva valoris; quia non est in potestate Ministri posita actione Sacramentali suspendere Sacramenti valorem, et si tunc non intendat conferre Sacramentum validum, deinceps etiam non validabitur, sive conditio eveniat, sive non. Quare invalidè infatim baptizat obsterix sub conditione, si Parochus ante obitum non superveniat. *Spor. an. 128. Excipe Matrimonium*, quod habet naturam contractus, ideoque sicut aliorum contractuum, sic & Matrimonii valor suspendi potest usque ad eventum conditionis. Quod si conditio sit de praesenti vel præterito, sed Ministro incerta, v. g. *Baptizo te, si Pastor sciat, si non sit domi*, est mortale eam adhibere, quia Sacramentum sine causa exponeretur periculo nullitatis. Aliud est de conditione Sacramento intrinseca; talis enim, si dubium sit de

dispositione, adhiberi potest & debet; ut, baptizote, si non sis baptizatus; absolvō, si doleas, &c. tunc ab irreverentia excusat necessitas; sufficit autem tunc conditionem exprimere in animo, etiam si consultum sit etiam exprimere verbo. *Dian.p.10. t.11. ref.55.*

*R. V.* In Ministro etiam requiritur attentio: nam voluntaria distractio est peccatum, sed tantum veniale, nisi sit periculum aliquid notabile omittendi vel mutandi in materia aut forma. *Gob. in exp. t. 1. n. 97.* Et quamvis plurimi dicant esse mortale sub actuali consecratione Eucharistiae vel etiam per notabilem partem Canonis voluntariè distrahi, eò quod hic videatur esse gravis irreverentia; nihilominus alii id valde probabilitate negant, modò non sit periculum aliquid omittendi, quale plerumque non est, quia tunc distractio nec ratione sui, nec ratione periculi erit mortalis irreverentia, neque ratione praesentiae Christi, alias voluntariè distrahi, etiam sub Communione, erit mortale, quod est contra communem, nec debet astui mortale sine ratione convincente, ut habet *communissim. &c.*

*R. VI.* In Ministro Sacramentum conficiente requiritur status gratiæ, alias peccat mortaliter; sancta enim sunt sanctè tractanda, idque de Ministro ad hoc specialiter ordinato solemniter agente docent omnes cum *S. Th. q. 64. a. 6. in Corp.* De Ministro quolibet etiam ad hoc non ordinato docet *Laym. Coning. Castrop.*

*hic*

# DE SACRAMENTIS IN GENERE.

9

*bic p.4. n.10. La Croix n.249.* Quia videtur esse gravis irreverentia si hostis Dei gerat personam Christi, & una cum eo coëfficiat Sacramentum can-sativum gratiae: nihilominus valde probabiliter docent S. Tho. a. cit. ad 3. Sayr. Suar. d.16. f.4. Illung, Reiffenst. à n.45. Spor. n.171. Metzg. a.6. n.4. à peccato mortali saltem excusari laicos aut etiam clericos in necessitate baptizantes, absolventes, &c. non tantum tunc quando ob turbationem, perplexitatem, temporis brevitatem se ad contritionem disponere non possunt, ut certum est, sed etiam alias, tum quia major est irreverentia, si Minister specialiter ad Sacra-menta deputatus citra necessitatem illa in dis gratia conficiat, quam si id faciat non deputatus, vel etiam deputatus in necessitate, tunc enim magis attenditur necessitas recipientis, quam dignitas Sacramenti. Hucusque sermo fuit de Ministero con-ficiente Sacramentum. Nam alios actus, quibus non sit Sacramentum, in dis gratia exercere, ut Eucharistiam distribuere, circumferre, cum ea po-pulo benedicere, non videtur mortale. *Sylv. Vasq. Lugo, Nugnus, Bernal d.17. §.3. Dian. p.2. c.14. Ref.23. Metzger, La Croix l.c.* Quod magis tenet de assistentia matrimonii, de solemni ministracione Diaconi vel Subdiaco-ni, de benedictione Chrismatis, Olei, Altarium, Abbatum, &c. Ratio est, quia in his omnibus non conficitur Sacramentum, neque haec fiunt in persona Christi, & remotè se habent ad productionem gratiae.

R. D. Jansen Pars II.

QUÆR. VI. Quid de Ministro  
Sacramentorum tempore pestis vel  
in cursus hostium?

21.

¶ Seq. 1. Parochus tempore pestis non tantum tenetur suis administra-re Sacra menta Baptismi & Pœnitentia, sed etiam Eucharistiam, si possit eodem periculo, quia ad id vi officii obligatur; si tamen sit solus, & statim successorem habere non possit, non tenetur novo periculo dare Commu-nionem vel Unctionem, ne Parochio ægrorante vel deficiente Sacra menta magis necessaria Parochianis desint, est communis & certa. V. Metzger to.2. à pag.502. Verjuys tr.14.a.8. Dicast. dis.11. n.123. ubi refert declarationem S. Congregationis, qua prohibetur Parochus per se ea ministrare infectis, si alius sit, qui ministeret, ne reliqui Parochiani fugiant ejus conversatio-nem, quem sciunt agere cum pesti-feris. 2. Etiam alii Sacerdotes, sive saeculares, sive Regulares, tenentur in defectu Pastoris ex charitate mi-nistrare Sacra menta fidelibus, & qui-dem in extrema necessitate spirituali cum periculo vita corporalis; id enim exigit ordo charitatis, ut qui-libet vitam temporalem corporis postponat vitæ æternæ animæ proximi-mi; necessitas autem gravis hic dici-tur, in qua quis sine tuo adjutorio difficulter salvabitur, ut si peccator sit absolvendus vel disponendus ad contritionem; extrema, quando quis sine tuo adjutorio esset damnandus, eò quod scipsum juvare non possit: v.g. infans moriturus sine baptismo.

3. Parochus sibi provideat de præ-

22.  
B sed.

servativis; optima & facilissima præservativa est, infectos non accedere jejuno stomacho; salivam in illorum præsentia non deglutire; inter se & inter infectum ponere ignem, carbones ardentes, vel saltē candelam accensam; cavere vel maximè ab habitu infecti; uti vestibus minimè villosis, easque aquâ vel flammâ sæpius illustrare; si sentiatur aliqua alteratio, provocandus est copiosus sudor, &c.

4. Moneat populum, ut omnes adhuc fani in Ecclesia Sacramentum pœnitentiæ & Viaticum percipiant, ne cum periculo semper opus sit adire domos infectas.

5. Seriò inculcer esse gravissimum peccatum, & infectum esse reum non unius homicidij, si temerè se immisceat sanis, eosque omnes periculo mortis exponat.

6. Si indigens Sacramento pœnitentiæ sit capite turbatus, aut ex passione vel obstinacia aliquoties rejiciat Parochum, si ex pôst Parochum petat, & sit spes fructus, denuò tenetur eum adire, cum manifesto periculo infectionis, quia id exigit ejus officium.

23. 7. Gravissimè peccat, si tempore pestis fugiat, aut resignet; est enim conductus pro tali necessitate, sicut miles pro prælio. Chapeville, Barb. de Paroch. p. 2. c. 17. Et quamvis fortè cum licentia Episcopi substituto æquè idoneo ad tempus abesse possit, debet tamen esse ita vicinus, ut in omnes populi necessitates intendere possit.

8. Vagis peste infectis tenetur providere Parochus, in cuius Parochia decubunt.

9. Si plures simul petant Sacra menta, iij præferendi sunt, qui

petunt Sacra menta magis necessaria; inter æqualiter egentes, primò habenda est cura Principis, parentum, civium, alienigenarum.

10. Quæ dixi de Parocho, etiam tenent de Episco po vel Prælato regulari, ita ut suis per se vel alium idoneum non tantum in extrema, sed & in gravi necessitate spirituali cum periculo vitæ succurrere obligentur.

11. Quæ dicta sunt de tempore pestis, etiam locum habent in incursu hostium, Turcarum, hæreticorum &c. Ita ut Pastor tunc fugere non debeat, nisi & populus fugiat, sed suis commanere & indigentibus assistere, etiam cum periculo vitæ; poterit tamen latitare in occulto, ex quo suis providere possit. Item si parochianus tuus extremo supplicio afficiendus petat confiteri, tene tur Parochus eum adire cum periculo vitæ, nisi majora inde timeantur incommoda fidei vel aliis fidelibus: si hæreticus in ultimo agone petat in fide instrui, vel infidelis baptizari, quilibet tenetur eum instruere & baptizare saltē cum aliquali periculo, quia ad minus est necessitas spiritualis valde gravis.

QUÆR. VII. An licet Sacramentum petere à Ministro indigno?

R. 1. Extra casum extremæ necessitatis non licet petere Sacra menta à Ministro non tolerato, hoc est, nominatim excommunicato vel suspenso, notorio Clerici percussore, publicè per sententiam irregulari, publicè & in perpetuum degradato. Ratio est, quia Ecclesia graviter prohibuit cum his communicare, præsertim in

in Sacris. Idem in quibusdam Diœcesis statuitur de publicis fornica-riis vel concubinariis. In extrema verò necessitate, seu in periculo vitæ, quando alius Sacerdos haberi non potest, à non tolerato licet petere Sa-cramenta necessaria, velut Baptis-mum, c. si quem 24. q. 1. Sacramentum Poenitentiaæ, Trid. sess. 14. c. 2. Idem de Viatico, et si præcesserit absolutio, docet Suar. d. 72. sct. 4. ex c. quod in te de pœnit. & remiss. De extrema Unctio-ne contrarium dicit Innoc. III. ibi-dem. 2. Ab excommunicato vel suspenso tolerato ex gravi causa Sa-cramenta peti possunt, quia Ecclesia non prohibet cum his communica-re, & perit res sancta, quam præ-via contritione vel confessione licet præ-stare potest. Vide Casum 114. q. 3. Gravis autem causa est, si urgeat præ-ceptum Communionis anniæ, vel quis diu non sit confessus, & alius Minister sine notabili incommodo

26. haberi non possit, &c. 3. In dubio, an Minister sit ministraturus Sacra-mentum in mortali, ab eo peti potest, quia in dubio debet præsumi bonus; & quamvis paulo antè peccaverit mortaliter, tamen præsumi potest se disposituisse saltem per contritionem, nisi constaret ipsum esse consuetudini-narium, aut esse in occasione proxi-ma; tunc enim absque gravi cau-sa vel necessitate Sacra-menta peti non posse, ne ei detur scandalum vel occasio peccandi.

27. QUÆR. VIII. Quid circa dispo-sitionem & intentionem suscipientis?

q. I. Ut quis licet suscipiat Sa-

cramenta vivorum, requiritur status gratiæ, & ad Eucharistiam non suf-ficit contrito, sed jure divino in peccatore requiritur confessio præ-via, ut dicetur suo loco; ad baptis-mum in adulto requiritur fides & at-tritio de peccatis actualibus.

q. II. Ut Sacra-menta validè susci-piantur, in adultis requiritur aliqua

inten-tio, in parvulis & perpetuū amentibus sufficit intentio Christi & Ecclesiæ; in adultis ad minus requiri-tur & sufficit habitualis, hoc est, voluntas præterita non revocata; un-dè qui post petitionem Sacra-menti incidit in amentiam vel lethargum, validè baptizatur, confirmatur, com-municatur, absolvitur, inungitur, &c. quamvis in phrenesi vel amentia contradicat. Imò ad baptismum val-dè probabiliter sufficit intentio im-plicita inclusa in at- vel contritione, ideoque Judæus in articulo mortis attritus baptizari posset, etiam si dicat se nolle baptismum, quia vetè attritus habet voluntatem servandi omnia Dei præcepta, & percipiendi media ad salutem necessaria; ergò implicitè etiam vult Baptismum, & intentio opposita est minus efficax; si enim sciret Baptismum esse medium ne-cessarium, certò illum veller. In Confirmatione, Communione, Un-ctione etiam sufficit intentio inter-pretativa, qua quis ex vita Christianè acta præsumitur hæc Sacra-menta velle, et si de facto ea ob morbum, amentiam, lethargum, &c. petere non possit: de aliis dicetur suo loco. Hoc adde, ad valorem reliquorum

B. 2 Sa-

Sacramentorum requiri Baptismum, quia Baptismus est *Janua vita spirituialis*, per quem membra Christi ac de corpore efficiuntur Ecclesiae, uti definit *Florent.* in Decreto *Eugen. IV.* ad Arimenos, ideoque soli baptizati sunt membra Ecclesiae, & capaces Sacramentorum, quae pro sola Ecclesia instituta sunt.

29. QUÆR. IX. An Sacraenta dari possint indigno?

Rg. I. Si suscepturnis ita sit inhabilis seu indignus, ut ei Sacramentum nec validè conferri queat, nequidem metu mortis licetè conferri potest, ut si quis minetur te occidere, nisi baptizes Judæum invitum, vel puerum baptizatum, aut absolvias indispositum. Ratio est 1. quia tunc applicando materiam & formam, simulas te conferre Sacramentum, quod tamen scis te conferre non posse, ideoque illudis Christo, & verbis sacris ab ipso institutis abuteris, reddisque formam falsam, & mentiris in re gravissima; exercitè enim & in facto diciste nomine Christi baptizare, absolvere, quod tamen scis fieri non posse, idque nunc certum videtur ex propositione 29. ab Innoc. XI. damnata: *Urgens metus gravis est causa justa Sacramentorum administrationem simulanda.* Similiter si intentetur mors, nisi extra Missam consecres panem, peccas mortaliter, si absque intentione proferas formam ob rationem datam; posse tamen tali causa submissè recitari Orationem Dominicam vel aliam, vel super panem dici: *Hoc non est corpus meum, & super paenitentia-*

tem indispositum: *Ego te non absolvō*, docent Carden. 2. crisi d. 20. n. 44. 52. Bosco hic n. 232. quamvis circumstantes putarent te consecrare vel absolvere. Ratio est, quia hæc omnia de se sunt indifferentia, neque simulas circa administrationem Sacramentorum, quia non applicas materiam & formam, ideoque nec formam falsam reddis; idem alii dicunt, si metu adactus baptizes infantem baptizatum, affundendo vinum his verbis: *Pax tecum*, intellige hæc, si absit scandalum, & non petantur in contemptum religionis, qui raro aberit. V. Henao n. 1776.

Aliud est de Matrimonio, quod metu mortis inire potes, et si scias illud ratione metus vel alterius impedimenti fore nullum. Nav. Sanch. Castrop. de spons. punct. 12. Bosco n. 232. Spor. p. 4. c. 1. n. 21. La Croix n. 262. quia non abuteris formam vel materiam Sacramenti; nam solus contractus absolutus & validus potest esse materia Sacramenti, qualis non est initus ex metu, vel cum impedimento dirimente; neque hic est mendacium, quia ex circumstantiis gravis metus illa verba: *Accipio te in meam*, habent hanc restrictionem: *Quantum est in me*, aut, *si teneat*. Scot. in 4. dist. 29. q. unica.

Rg. II. Peccatori indigno, qui validè quidem, sed sine effectu sumeret, Sacraenta ministrare per se non licet, est communis & certa, cum ex perpetuo Ecclesiæ usu, tum ex Concil. Arelatenensi, & probatur 1. ex Script. *Non est bonum sumere panem filiorum,* & dare

*E dare canibus, Matth. 25. id est, ut explicat S. Tho. q. 80. art. 6. peccatoribus manifestis. Idem i Cor. 4. Hic jam queritur inter dispensatores, ut fidelis quis inveniatur; sed non est fidelis, qui Sacraenta sibi concredita indignis inutiliter & sine fructu dispensat, sicut Minister Regis non est fidelis; si pecunias datas ad conscribendos amicos vel milites profundat inutiliter; quid si det hosti vel proditori iisdem abusuro ad injuriam Regis?*

*2. Minister, qui non avertit injuriam sui domini, cum facilè potest, non est fidelis, multò magis si cooperetur; atqui cooperatur, dando Sarcramentum indigno. 3. Peccat contra charitatem proximi, cooperando ad ejus peccatum. 4. Sacerdos peccat, collocando hostiam in loco sordido; ergo à potiori, si det peccatori. Unde deduces seqq.*

- 32. 1. Sacerdos consecranc in mortali tria distincta admittit sacrilegia, quatenus scilicet Sacramentum indignè conficit, indigno ministrat, & indignè suscipit; hæc tamen in confessione satis exprimuntur, dicens: Semel conscius peccati mortaloris consecravi. 2. Quamvis juxta communem Matrimonium ex justa causa post dispensationem impetrata licet iniri possit, cum peccatore etiam publico, v.g. hæretico, eò quod contrahentes principaliter conficiant contractum, & indirectè solùm Sacramentum; nihilominus Parochus Matrimonio assistens debet ex officio allaborare, ut sponsi sint in statu gratiæ, & si sponsus sit hæreticus ma-*
- terialis, debet cum eo elicere contritionem. 3. Peccatori publico etiam publicè negandum est Sacramentum, quia nullum jus habet, estque jam publicè infamatus, & sine scandalo & irreverentia dari non potest, S. Th. l.c. Peccator autem publicus vocatur, cuius delictum est notorium de jure, facto, vel fama, ut explicavi Casu 36. à n. 15. Sed quid si minetur mortem, nisi detur v. g. Eucharistia? 4. Dari potest, nisi petat in contemptum religionis; si enim dari possit indigno pro conservanda ejus fama, cur non pro conservanda vita ministrantis? 5. Si crimen non sit publicum, attamen notum omnibus præsentibus, neganda est Communio, quia negari potest sine nova infamia; si vero uni aut alteri ex præsentibus non sit notum, neque simpliciter sit publicum, non est neganda Communio, quia adhuc retinet jus ad famam respectu horum. Si crimen quidem aliquos ex præsentibus lateat, sit autem simpliciter publicum, vel publicum in vicinia, ex qua facilè hic sit publicandum, adhuc negari debet, quia amisit jus ad famam etiam hic, & temere Sacramentum petendo est causa, quod crimen etiam ignorantibus propaletur. 5. Ut peccatori publico Sacramentum publicè dari possit, debet publicè constare de ejus emendatione; quod tunc sit, si coram pluribus sit confessus, & sustulerit occasionem proximam. Si pluries confessus semper sit relapsus, aut retinuerit occasionem proximam, non dimittendo v. g. concubinam,*

B 3 nam,

*33. 34. 35.*

*tertio, debet cum eo elicere contritionem. 3. Peccatori publico etiam publicè negandum est Sacramentum, quia nullum jus habet, estque jam publicè infamatus, & sine scandalo & irreverentia dari non potest, S. Th. l.c. Peccator autem publicus vocatur, cuius delictum est notorium de jure, facto, vel fama, ut explicavi Casu 36. à n. 15. Sed quid si minetur mortem, nisi detur v. g. Eucharistia? 4. Dari potest, nisi petat in contemptum religionis; si enim dari possit indigno pro conservanda ejus fama, cur non pro conservanda vita ministrantis? 5. Si crimen non sit publicum, attamen notum omnibus præsentibus, neganda est Communio, quia negari potest sine nova infamia; si vero uni aut alteri ex præsentibus non sit notum, neque simpliciter sit publicum, non est neganda Communio, quia adhuc retinet jus ad famam respectu horum. Si crimen quidem aliquos ex præsentibus lateat, sit autem simpliciter publicum, vel publicum in vicinia, ex qua facilè hic sit publicandum, adhuc negari debet, quia amisit jus ad famam etiam hic, & temere Sacramentum petendo est causa, quod crimen etiam ignorantibus propaletur. 5. Ut peccatori publico Sacramentum publicè dari possit, debet publicè constare de ejus emendatione; quod tunc sit, si coram pluribus sit confessus, & sustulerit occasionem proximam. Si pluries confessus semper sit relapsus, aut retinuerit occasionem proximam, non dimittendo v. g. concubinam,*

34.

B 3 nam,

- nam, &c. ad Sacra menta admitti non potest, quia adhuc publicè est indignus, *Bernal. d. 48. n. 45.* Si occultè egit pœnitentiam, occultè admitti poterit, non publicè. 6. Si delictum publicum sit certum, & emendatio dubia, Sacramentum negari debet, quia certitudo delicti est in possessione; si crimen sit dubium, vel de eo sola est probabilis vel publica suspicio absque morali certitudine, Sacramentum negari non potest, quia habet jus certum ad famam & Sacra menta, quo per suspicionem incertam privari non debet, *Suar. d. 67. s. 6. Henr. Vasq. d. 209. c. 5. Spor. n. 185.* Ex eadem ratione si delictum sit certum, sed dubitetur an sit publicum, debet Sacramentum negari occultè, sed non publicè.
7. In articulo mortis etiam peccatori publico Sarramenta negari non debent, modò contritionis signa dederit, necessitas excusat à scandalô, vel scandalum tollere deber Minister, publicando occultam ejus pœnitentiam, *Suar. l. c. Castrop. punct. 20.* 8. Si peccator occultus petat occultè, neganda est Communio; id enim exigit reverentia Sacramenti, & negari potest absque infamia, nisi indignitas solùm cognita sit ex confessione, *Sylv. Nav. c. 21. n. 55. Pagund. Coning. q. 80. a. 6.* Tunc enim negans laderet sigillum, nec enim vel licet loqui pœnitenti de auditis in confessione, minus tacitè reprobare crimen confessum, quod fieret negando Eucharistiam; nihilominus tunc posse negari Eucharistiam, si nullus

alius sit præsens, docent *S. Thom. in 4. d. 9. q. 1. Vasq. Suar. suprà, Castrop. n. 20.* quia videtur non esse illicitum ut scientia confessionis ad proprias actiones moderandas, si nulli inde fiat suspicio criminis ut hic, alias non licet negare Eucharistiam, quam ex confessione scio peti ad comburendum, vel ad usum magicum, neque negare possim gladium, quem scio peti ad me occidendum; sed de hoc dicam *Caf. 100. n. 12. & seq.*

9. Si occultus peccator publicè petat, admitti debet, si repellere non potest absque infamia, *S. Th. q. 80. a. 6. & habetur expreßè cap. si tantum. c. placuit. q. 2. c. si Sacerdos de offic. ord.* Ratio est, quia occultus peccator retinet jus ad famam; & quamvis Christus etiam habeat jus, ut non in honoretur ab indigno sumente, tamen illo jure uti non vult cum infamia peccatoris occulti, ut patet in *Juda*, quem occultè indignum à Communione non repulit, & obligatio tales repellendi esset onus intolerabile pro Ministro, datèque occasionem infinitam litium, scandalorum, inimicitarum, &c. Erit tamen talis peccator privatim monendus, vel si non possit, omnes in genere hortandi sunt ad dignam Sacramentorum susceptionem.

*Dices 1. Episcopus potest occultè indignum v. g. irregularem publicè repellere ab Ordine, ergò & à Communione. 2. Non repellendo cooperatur ejus peccato. 3. Petens hostiam ad cam projiciendam in cloacam, vel ad comburendam, potest publi-*

publicè repellere. 4. Ad tuendam vitam vel honorem innocentis licet aperio occultum scelus iniqui insidiatoris; ergo & licet cum infamia nego Eucharistiam pro tuendo honore Christi. 5. Si Caius repeatet suum gladium ad se vel alium occidendum, debo eum negare etiam cum infamia; ergo & Eucharistiam, quia moraliter occidet animam. 6. Præceptum non dandi Sacramentum indigno est negativum, ergo obligat semper pro semper.

*R<sup>e</sup>. ad 1.* Si ordinandus sit indignus propter peccatum occultum, etiam repellere non debet cum infamia; quia tamen plerumque potest sine infamia ab Ordine repellere, & plerique rejiciuntur propter defectum physicum natalium, ætatis, tituli, subjectionis, &c. hinc etiam publicè rejici debet vel maximè irregularis, quia ita Ecclesia præcipit, & si quæ sit infamia, hic prævalere debet bonum publicum Ecclesiæ. *Ad 2.* Cooperatur tantum materialiter, præbendo rem optimam, qua luscipiens potest & debet bene uti. *Ad 3.* Nego conseq. Christus tali casu resignavit juri suo, non verò innocens juri ad vitam & honorem. Deinde sacrilegium præcipue consistit in actu interno, seu in voluntate Sacramentum indignè sumendi, quæ jam tum existit, & per publicam Sacramenti sumptuonem impediri non potest, damnum verò viræ vel honoris consistit in actu externo, qui manifestando crimen occultum insidiatoris vel negando gladium potest impediti; hinc patet

*ad 5.* *Ad 6.* distingo conseq. Ergo obligat semper pro semper in certis circumstantiis, C. in omnibus, N. Non occides est præceptum negativum, & tamen non obligat in casu necessariae defensionis, ita & hic.

40.

QUÆR. X. Quis sit effectus Sacramentorum & Sacramentalium?

*R<sup>e</sup>. 1.* Effectus omnibus Sacramentis communis est gratia; gratia autem est duplex, habitualis & actualis; habitualis est qualitas supernaturalis permanens, reddens hominem sanctum, justum, amicum & filium Dei adoptivum & heredem cœli; gratiam habitualem consequuntur seu cum ea simul infunduntur habitus supernaturales omnium virtutum, quibus homo adjutus permanenter possit elicere actus meritorios vitae æternæ, fidei, spei, charitatis, aliarumque virtutum. Gratia actualis est auxilium hominem transeuntem adjuvans ad eliciendos actus supernaturales virtutum, maximè si homo per peccatum mortale amisit gratiam sanctificantem, & consequenter habitus supernaturales virtutum; tunc enim necesse habet adjuvari auxilio transeunte. *2.* Omnia Sacraenta in omnibus ritè dispositis ex opere operato causant gratiam habitualem seu sanctificantem, in infantibus, perpetuò amentibus aut adultis æqualiter dispositis æqualem, in aliis maiorem vel minorem pro majori vel minori subjecti dispositione. *S. Th. q. 69. a. 1.* ita tamen ut Sacraenta digniora, v.g. Eucharistia & Baptismus, cæteris paribus, plus gratiae cau-

sent

sent quām alia; gratiam sanctifican-  
tem comitantur habitus supernatu-  
rales virtutum, item jus ad specialia  
& copiosiora auxilia gratiæ actualis  
suo tempore danda pro cuiusque Sac-  
ramenti fine consequendo condu-  
centia in quo jure gratia Sacramen-  
talis distinguitur à gratia communiter  
dicta. 3. Tria Sacra menta, scilicet  
Baptismus, Confirmatio & Ordo in-  
super causant characterem seu qua-  
litatem indeleibilem in anima, quā  
homo designatur servus, miles, mi-  
nister Christi, hæc qualitas in damna-  
tis manet ad confusionem, in beatis

ad gloriam. 4. Sacramentalia hæc  
dicuntur omnes cærenonias ab Ec-  
clesia ad cultum DEI, & præcipue  
circa decentem Sacramentorum ad-  
ministrationem instituta, ut exor-  
cizationes, benedictiones aquæ, vini,  
cereorum, vestium, Virginum, Ab-  
batum, &c. hæc omnia non causant  
gratiam ex opere operato, neque  
peccata venialia remittunt, nisi in  
quantum mediante impetratiōne Ec-  
clesiæ causant in voluntate pios mo-  
tus, qui proindè merentur gratiam  
vel remissionem venialium. S. Tho.

a. 3.

## C A S U S LXXXIX.

## De Baptismo.

**B**autius Theologus interrogatur:  
1. Quid sit Baptismus. 2. Quæ  
materia remota. 3. Quæ proxima,  
ubi de variis dubiis. 4. Quid de forma  
ejusque mutatione. 5. Quotuplex sit  
Baptismus. 6. Qualiter necessarius.  
7. Quis sit Minister ordinarius, extra-  
ordinarius, & quis inter hos preferendus.  
8. An liceat baptizare alienos parochia-  
nos. 9. Quid de vagis & peregrinis.  
10. An liceat Baptismum accipere vel  
petere ab heretico saltem ex timore gravis  
mali. 11. An infantes & amentes bapti-  
zari possint. 12. An infantes in utero  
matris, an mater teneatur admittere  
scissionem ventris, quid si mater moria-  
tur. 13. Quid de abortivis. 14. Monstris.  
15. An invitatis parentibus baptizari pos-

sint infantes hereticorum. 16. Infidelium.  
17. Quid si infideles sint mancipia vel  
bello capti: vel unus parentum consen-  
tit, vel ideo petat, ut infans liberetur  
ab infestatione demonis. 18. Quid si in-  
fans per fas vel nefas jam sit à parentibus  
abstractus. 19. Quid si parentes sint mor-  
tui, aut proles petat, vel sit in periculo  
vite. 20. An aliquando Baptismus rene-  
randus, & que requiratur dispositio in  
adulto rebaptizando. 21. Quid de in-  
fante baptizato ab obstetricie vel heretico.  
22. Quid de expositiis. 23. Quid de  
eo qui multum anguit super valorem sui  
Baptismi. 24. An dubius de Baptismo  
debeat abstinere ab aliis Sacramentis,  
& si sit Sacerdos, Religiosus, de novo  
ordinari, confiteri, Novitiatum servare,

pro-